

**4/98 IRIZPENA****PERTSONA LANGABETUAK GIZARTE EKONOMIAKO ENPRESETAN BAZKIDE LANGILE  
NAHIZ LAN-BAZKIDE LEGEZ SARTZEKO LAGUNTZAK ARAUTZEN DITUEN  
DEKRETUARI BURUZKO IRIZPENA**

Ekainaren 27ko 9/1997 Legeak Euskadiko Ekonomia eta Gizarte Arazoetarako Batzordeari eratzikitako eskumenekin eta haren Funtzionamendu Araudian ezarritako prozedurarekin bat etorririk, eta Osoko Bilkurak 1998ko uztailaren 1eko akordioaren bitartez eskuordetuta, Euskadiko Ekonomia eta Gizarte Arazoetarako Batzordearen Batzorde Iraunkorrak, 1998ko uztailaren 22ko bileran, aho batez honako hau onetsi du:

***IRIZPENA*****1.- AURREKOAK**

1998ko ekainaren 29an sartu zen Euskadiko Ekonomia eta Gizarte Arazoetarako Batzordean Justizi, Ekonomi, Lan eta Gizarte Segurantza Sailaren idazkia. Idazki horren bitartez, sail horrek pertsona langabetuak gizarte ekonomiako enpresetan bazkide langile nahiz lan-bazkide legez sartzeko laguntzak araupetu dituen Dekretuari buruzko txostena eskatu zuen, Euskadiko Ekonomia eta Gizarte Arazoetarako Batzordearen ekainaren 27ko 9/1997 Legearen 3.1.b) artikuluan ezarritakoarekin bat etorririk.

Dekretu horrek apirilaren 8ko 75/1997 du oinarri. Azken dekretu horren bitartez araupetu ziren pertsona langabetuak Gizarte Ekonomiako enpresetan bazkide langile nahiz lan-bazkide legez sartzeko laguntzak.

1998ko uztailaren 1ean eman zitzaien Eusko Jaurlaritzatik jasotako dokumentazioaren kopia Kontseiluaren Osoko Bilkurako kideei.

Halaber, 1998ko uztailaren 1ean Kontseiluaren Osoko Bilkurak beharrezko txostena onesteko ahalmena Batzorde Iraunkorrari eskuordetzea erabaki zuen.

1998ko uztailaren 15ean lan-bilerara bildu zen Gizarte Garapenerako Batzordea. Irizpen-proposamena egin zuen. Proposamen hori Batzorde Iraunkorrari bidali zitzaion eta batzorde iraunkor honek, 1998ko uztailaren 22ko bileran, hura aho batez onetsi zuen.

## II.- EDUKIA

Pertsona langabetuak gizarte ekonomiako enpresetan bazkide langile nahiz lan-bazkide legez sartzeko laguntzak araupetu dituen Dekretuaren testuak honakook ditu osagai: erakusketa orokorra, hamabost artikulua, bi Xedapen Gehigarri eta lau Bukaerako Xedapen.

### Zioak erakustea:

Zioen erakusketara bilduta dagoenez, Gizarte Ekonomiako enpresa-ereduaren sustapena enpresa-bultzadarako laguntzan oinarritu behar da, Bereziki kontutan hartuko da hori, enpresa-arriskua pertsona langabetuek berenganatzen badute.

Bertan nabarmenduta dagoenez, aurreko urteetako programaren kudeaketako esperientziaren ostean, komenigarritzat hartu da programaren jarraipena.

Beste alde batetik, bertan adierazita dago nola ezarri duen azaroaren 11ko 1/1997 Legegintzazko Dekretuak dirulaguntzak araupetzen dituzten arauak izan behar duten gutxieneko edukia. Hori dela eta, aurkeztutako Dekretuak gauza berri horiek sartu ditu. Aipatutako Legegintzazko Dekretuaren bitartez onetsi ziren Euskal Herriko Ogasun Orokorraren Abiaburu Antolatzaileak.

### Artikulu eta xedapenak:

**1. artikulua** Dekretuaren helburua zehaztu du. Dekretuaren helburua honako hau da: Eusko Jaurlaritzak pertsona langabetuak sozietate kooperatibaren edo lan-sozietatearen itxura juridikoa duten enpresetan bazkide langile nahiz lan-bazkide gisa sartzeko 1998an zehar eman ahalko dituen laguntzak araupetzea.

**2. artikulua** laguntzak aplikatzeko eremua zehazturik du, baita laguntzen pertsona onuradunek bete beharko dituzten ezaugarriak ere.

**3. artikulua** zehaztuta daude dirulaguntzen zenbatekoa eta berau zehazteko irizpideak. Alde batetik, artikulua horrek hiru adin-talderen arabera laguntzak araupetzeko baremoa bildurik du. Beste alde batetik, lan-bizitzan integratzeko norberaren inguruabarrak aipatuta daude bertan.

**4. artikulua** ezarrita dago zergei, gizarte segurantzari eta herri dirulaguntzei lotutako betebeharrak bete beharra.

**5. artikulua** zehaztuta daude erakunde onuradunek bete behar dituzten betebeharrak. Era berean, Euskal Herriko Ogasun Orokorraren Abiaburu Antolatzaileei buruzko Legearen Testu Bateratua aipatuta dago.

**6. artikulua** Dekretuko laguntzek langabeziarengatiko prestazioarekin ordainketa bakarraren modalitatean izan dezaketen bateragarritasun posiblea araupetu du. Gaiindikinaren bateraezintasuna nabarmenduta dago bertan. Hala denean, Dekretua aplikatzearen emandako laguntza txikituko da.

**7. artikulua** ezarrita daude eskabideak aurkezteko era eta epea.

**8. artikulua** zehaztuta dago Dekretuan ezarritako onuren menpean jarri nahi duten erakundeek aurkeztu behar duten manuzko dokumentazioa.

**9. artikuluan** aipatuta daude eskabideetako akatsak zuzentzeko ezarritako arautegia eta, hala denean, beharrezko espedienteen artxiboa.

**10. artikuluan** zehaztuta dago Dekretura bildutako laguntza-deialdiaren kudeaketa-, ebazpen-, errekurso- eta publizitate-prozedura.

**11. artikuluan** aipatuta dago dirulaguntzak ordaintzeko bide bezala emateari buruzko Ebazpenaren uneko ordainketa bakarra.

**12. artikuluan** aipatuta daude Dekreturako baliabide ekonomikoak eta berauen muga. Artikulu horrek Euskal Herriko Autonomia Erkidegoko Aurrekontu Orokorretan horretarako ezarritako aurrekontu-partidetara bidaltzen gaitu.

**13. artikuluan** aipatuta dagoenez, dirulaguntzako baldintzak aldatu ahal dira, haren helburua betetzat emanez gero. Horrek laguntzak emateari buruzko Ebazpena aldaraztea ekarri ahalko du. Aldarazpen horrek emandako dirulaguntzen zenbatekoak doitzea ekarriko du.

**14. artikuluan** aipatuta dago dirulaguntzaren helburua, baldintzak eta xedea ez betetzea eta dirulaguntzaren zenbatekoaren itzultze posiblea. Era berean, artikulu horrek kontutan harturik du abenduaren 17ko 698/1991 Dekretuan eta Euskal Herriko Ogasun Orokorren Abiaburu Antolatzaileei buruzko Legearen Testu Bateratuan ezarritakoa.

**15. artikuluan** aplikatu ahal diren arauak bete ezean emandako dirulaguntza itzultzeko prozedura araupeturik du.

**Lehenengo Xedapen Gehigarriak** adierazitakoaren arabera, eskubide osoko bazkide bezala sartzen diren pertsonen Dekretuko laguntzak atzitu ahalko dituzte epealdi batean probatzen edo bazkidegai gisa ibili ostean.

**Bigarren Xedapen Gehigarriak** adierazitakoaren arabera, bazkide langile nahiz lan-bazkide legez sartzen diren eta enplegu-heziketako programetan parte hartu duten 25 eta 40 urte bitarteko pertsonen Dekretuko laguntzak atzitu ahalko dituzte

**Lehenengo Bukaerako Xedapenak** Dekretuaren kontra aplika daitekeen administrazioarekiko auzibideko errekurso-prozedura ezarri du.

**Bigarren Bukaerako Xedapenak** Dekretuan ezarrita ez dauden gauzetan aplikatu ahal den araubide ordeztalea ezarri du.

**Hirugarren Bukaerako Xedapenak** Justizi, Ekonomi, Lan eta Gizarte Segurantzaren Saileko buruari ahalmena eman dio Dekretua garatzeko eta betearazteko beharrezkoak diren xedapenak hartzeko.

**Laugarren Xedapen Gehigarriak** zehazturik duenez, Dekretua berau Euskal Herriko Agintaritzaren Aldizkarian argitaratzen den egunaren biharamunean jarriko da indarrean.

**III.- OHARRAK**

Euskadiko Ekonomia eta Gizarte Arazoetarako Batzordeak nabarmentzen duenez, Kontseiluari eratzikitako eta 9/1997 Legera behar bezala bildutako eskumenak oinarri harturik, beharrezkoa da Erakusketaren laugarren ahapaldian Euskadiko Ekonomia eta Gizarte Arazoetarako Batzordea Justizi, Ekonomi, Lan eta Gizarte Segurantza Saileko buruak entzundako kontsulta-organo bezala berariaz aipatzea.

**IV.- ONDORIOAK**

Kontsulta-organoa den Euskadiko Ekonomia eta Gizarte Arazoetarako Batzordeak pertsona langabetuak gizarte ekonomiako enpresetan bazkide langile nahiz lan-bazkide legez sartzeko laguntzak araupetu dituen Dekretuaren tramitazioa egokietsi du.

Bilbon, 1998ko uztailaren 22an

OE Burua,

Javier Mongelos Oquiñena

Idazkari nagusia,

Javier Hernandez Bilbao